

寧都直隸州志卷二十一

廣德劉

丙



太平梁樓鸞

纂輯

名宦志

寧都州

王揆字孔度湖廣黃岡人唐泰和六年令虔化有才識築

子城鑿濠池建廨舍創始之功居多祀名宦祠辛酉志贛郡志通志

周章字仁績明老志作章仁績誤五代顯德中令虔化增葺子城為

防禦計明老志通志

按隋開皇中併寧都入虔化為一縣至宋紹興復改虔

寧都直隸州志

卷之二十一

名宦志

化為寧都通志載知寧都縣疑誤

李寰字畿卿彬州桂陽人宋紹興二十六年知縣事興利

除弊時梅江無梁涉者患之寰作橋以濟民爭趨役將代

猶夙夜董勸畢役而後行父老感德構祠橋東祀之廬陵

楊萬里為之記祀名宦祠辛酉志贛郡志通志

廖謙字仲益湖廣衡陽人宋嘉定七年知縣事增置學田

三十二畝以資餼廩田今不後簡貳鄂州祀名宦祠辛酉志贛郡志

郡志

魏泌字深甫浙江常山人宋嘉定九年知縣事捐俸七十

萬緡購田八十畝贍學躬勤課校人文蔚起建梅江石梁

二百餘丈民不告勞公受學呂麗澤朱子之門祀名宦祠
辛酉志贛郡志通志

林光裔福建三山人宋嘉定十二年知縣事周知民隱舉
行荒政邑俗多溺女光裔儲米爲舉子倉積俸爲舉子錢
貧民生女者鄰里以聞先給錢五百米五斗養產母閱月
抱女至庭驗視月給米三斗至週歲而止數年間全活甚
衆祀名宦祠 辛酉志贛郡志通志

彭鉉字仲節臨江清江人宋嘉定十六年知縣事繕城衛
民置田贍學捐俸修橋纂輯縣志尋直文華閣後出知贛
州蠲逋負二十萬著有臨川可否錄備兵錄祀名宦祠

寧都直隸州志

卷之二十一

名宦志

二

辛酉志贛郡志

趙紉夫福建三山人宋紹定四年以贛尉攝縣事時石城
寇黃元仲僭號狂逞紉夫亟葺城濠爲守禦計賊圍城
紉夫登臺射之稍退率兵逐北擒元仲轡於市明年歸職
父老磨石紀其功端平二年升知縣事遷學修城建觀樓
置器仗增述邑志能聲益著祀名宦祠 辛酉志贛郡志通志

趙時儻紉夫從子宋景定元年知縣事先是磔下賊廖四
猖獗勢將逼城儻在道聞警單騎疾馳入城選募義丁禦
賊勸諭富民出資以給兵食與戰賊大敗斬渠魁謝通縱
火盡焚賊砦見平寇錄祀名宦祠 辛酉志贛郡志通志

札忽兒及河西人元至元二十年任縣尹有善政士民謳歌祀名宦祠 辛酉志

達實蒙古人元泰定中任縣尹蒞官廉明時盜賊所在嘯聚而境內獨特以安田賦浮額民以不便實奏免虛糧五百餘石庸調征輸視舊輕省民立碑頌德至正中升贛州路達魯花赤祀名宦祠 辛酉志贛郡志通志

粘合大本字彥中河南人元至順二年任州同知勵學勸農抑強植弱威惠並行捐俸賑荒民賴以活秩滿去民不忍捨為樹德政碑祀名宦祠 辛酉志贛郡志

莊濟翁福建永春人明洪武四年知縣事以教化為先每宰都直隸州志 卷之二十一 各宦志 三

朔望召諸生畢集庠序聽講恤貧均賦鋤豪猾修陂塘設津梁升員外郎去人懷其惠於縣後署築思莊臺祀名宦祠 辛酉志贛郡志通志明一統志

朱伯齡浙江金華人明洪武二十八年主簿時陂陽 平陽改諸鄉為流寇殘破田野荒蕪里甲代輸賦役不勝苦累伯齡為疏免至今民懷其惠祀名宦祠 辛酉志

陶瑾字叔瑜浙江臨海人明永樂十年訓導端矩度嚴教條尤工詩文為邑人士所仰慕卒於官遂隸籍門人陳僉事璫隸縣為誌墓厚恤其家祀名宦祠 辛酉志

周昂字時舉廣東曲江人明正統十一年由舉人知縣事

持廉秉公勸農興學戊辰闖寇鄭茂七倡亂陷石城瑞金
二縣昂預爲武備寇至率縣丞田肇督勇壯與賊戰於東
龍斬俘多人追敗之於上礫又敗之於白玉賊遁去叙功
升本府通判仍掌縣事尋改思恩府祀名宦祠辛酉志 贛
郡志 通志
平世用字德充四川內江進士明宏治十五年知縣事興
學校葺城濬池均庸調慎刑獄遏寇盜政績昭然丁艱去
後升監察御史祀名宦祠辛酉志

蔡夔廣西南寧人明宏治十八年由舉人知縣事居官清
苦勾攝以木皂隸訟者自抱至庭毋敢遲清浮賦均隱沒
田豪右莫敢犯驅殺巨寇惠及鄰邑丁艱去後任安遠縣

寧都直隸州志

卷之二十一

名宦志

四

祀名宦祠

辛酉志 節錄 贛郡志 通志

王天與字性之廣東興寧人明正德九年進士十一年知
縣事廉介果敏能任繁劇尤加意造士徙學崇福寺址工
費萬金一時尚義者樂輸恐後均庸調輯流移卹孤孀扶
良鋤虐偷盜賭博者必榜其門舊俗民困於賦役多散居
山砦天與招徠撫集乃盡歸城特疏於朝爲蠲浮糧一千
六百石丙子從王文成公平橫水剡頭桶岡龍川諸寨有
功升俸二級己卯從討宸濠冒暑疾作卒於軍祀名宦祠
辛酉志 贛郡志 通志

秦行賓字體觀福建侯官人明正德十二年以舉人任教

論有學行先是條教稍弛賓至嚴立架篋申飭備至三日一試無間寒暑諸生敬憚邑父兄咸樂得嚴師自是文風丕振協贊邑令王天與徒建學校尤竭心力任二年丁艱去後升國子監助教祀名宦祠 辛酉志

廖廷臣字景夔廣東順德人明正德十五年以舉人任教諭性嚴毅引繩揭軌率身先之師模屹立一時從講習者咸畏而愛焉升光澤縣知縣祀名宦祠 辛酉志

陳大綸字伯言廣西南寧人明嘉靖八年進士嘗受學於陽明先生十一年知縣事咨詢民間利病亟為興除導民建陽明祠創小學社學命塾師教童子歌詩習禮朔望面

寧都直隸州志

卷之二十一

名宦志

五

試時加獎賞民俗為之一變升戶部主事祀名宦祠 辛酉志 郡志通志

張輻字士衡浙江山陰人明嘉靖十四年進士二十五年以刑科給事中摘知縣事慈祥惇大嘗舉孝行節烈於朝以勵頽俗有古循良風升南昌府同知歷按察副使祀名宦祠 辛酉志 郡志

潘翊浙江錢塘人明嘉靖二十九年以舉人知縣事才識敏練優於治劇初縣無驛遞過客夫馬責之民間翊立官船官馬不擾於民時有罹法者托吏餽金翊嚴拒寘於法升沅州知州祀名宦祠 辛酉志 郡志

崔栢番禺人明嘉靖舉人初任建昌訓導有作人之譽學使推主白鹿洞書院三十五年擢知縣事刑名精熟奸吏咸畏服持身清介秋毫不染去任士民思之祀名宦祠辛酉志

吳朝相廣西貴縣人明嘉靖三十五年以舉人授教諭學識明達每接生徒講論亶亶諸生有婚喪不能舉者輒捐俸資助知縣陳文信改建文明門朝相贊輔之力居多升

竹山縣知縣祀名宦祠辛酉志贛郡志三十五年郡志作三十九年署教諭

王光蘊浙江永嘉人明萬曆二十二年由舉人知縣事刑清訟簡專務德化倡修邑志允協公評案牘之暇與士大

寧都直隸州志 卷之二十一 名宦志 六

夫倡和詩歌上官交薦陞寧國同知祀名宦祠辛酉志贛郡志

張學書廣西修仁人明萬曆二十六年以拔貢知縣事禮士愛民不畏強禦禁錮偷竊路不拾遺核奸胥私領差新

置之法自是邑少逋賦祀名宦祠辛酉志

林挺廣東南海人明萬曆三十一年以拔貢知縣事愷悌廉平聽訟未嘗操切民咸悅服申請西城龍興寺仍改爲

學不費官帑以義倡率創建規制大備祀名宦祠辛酉志

游鳳翔福建莆田人明萬曆三十五年以舉人知縣事公廉明敏不寄耳目剖決如流先是民以運漕交兌爲害鳳

翔捐俸倡建交兌倉於省城民感德附立生祠其中祀名

宦祠 辛酉志

顧居仁四川華陽人明萬曆四十二年以進士知縣事嚴肅精明執法不撓性淡泊不苟取嘗與士大夫言門以內宜嚴門以外宜寬庶奸胥震懼小民蒙惠捐俸置產贍學市義塚以助貧裁酌二運水脚永為民便調廬陵去日士民遮道泣送祀名宦祠 辛酉志

李廷龍廣東順德人明天啟四年以進士知縣事潔已愛民造廬禮士家鬻荔枝山以供官用官署所贏東帖數箱外無有也明季有司清德無玷者推廷龍為最升吏部文選司祀名宦祠 辛酉志 額郡志

寧都直隸州志

卷之二十一

各宦志

七

皇清

宋必達字其在湖廣黃岡人順治十八年進士康熙七年知縣事甘淡薄以噢咻其民為務清泰懷德二鄉久罹寇焚民多流徙必達請盡蠲逋賦以徠之得漸次開墾甲寅滇逆部將韓大任兵犯吉安虔屬震恐營將欲發兵堵禦必達曰民不知兵而戰是毆之亂也乃倣王文成公保甲法簡習義勇團練約束經歲得勝兵千餘汀州賊奄至縣境必達揮義勇擊之賊大敗夜遁祀名宦祠 辛酉志 額郡志

萬厥生字天若江南武進人康熙十四年以副榜知縣事初下車減徵稅耗羨一薪一粟不取諸民三逆變起賊黨

潛伏吉汀間蹶生踵前令宋必達鄉勇制訓練民兵闈坳
內外節制森嚴防協兵弁懾其威無敢動亂丁巳韓大任
寬入縣境知蹶生有備不敢犯城旣而郡兵與省會兵集
數月相持供億浩大蹶生多方支應民得不病明年解組
僑寓縣囊無餘資士民羣資給之祀名宦祠辛酉志 贛郡志 通志
鄭昌齡蘭谿人雍正十一年以舉人知縣事在任十一年
百廢具興修邑志清濠池疏環玉陂修雙洲尤加意學
校籌設公產爲諸生每屆鄉試卷貲一時文教振興乾隆
元年丙辰州人登賢書者六人二年丁巳成進士者六人
至今歌誦皆昌齡作養造就之功

寧都直隸州志

卷之二十一

各區志

八

甘玉麟蕪湖人乾隆三十四年以舉人知州事風勵學者
務令文行並重諸生中有篤行著稱及詩文可採錄者輒
獎以銀牌上鐫讀書立品四字然絕不濫予故州人士寶
其所贈各以貽其子孫蓮花山居民私挖煤窰戕地脈玉
麟力禁挖煤窰害遂止山背屬雩都界雩都民復私挖煤
窰玉麟行文雩都申明 功令並出示嚴禁永遠遵行三
十九年州大水拊循備至不至成災又念梅江經大水後
溪沙壅塞貽害田廬令民間沿溪種竹樹阻遏沙土勿使
入谿值升任去所植樹砍伐殆盡至今人猶惜其善政之
未竟

舊志盧達曰余讀良吏傳攷見其人遠者踰百年近亦數十年其芬芳人口何津津無已時也而覈其當時所爲政或以惠愛稱或以廉介稱大都篤中不欺若不寇清賦却餽興學類以實心舉實事而縷縷可述者夫人之才辯或遲敏有不齊而殫心陳力則皆可以自勉苟心惟職分而念付託不可曠是雖抱關小吏於朝廷未必無所補於人未必無所澤矧領牧養之命專化誨之司如政教鉅任者乎嗚呼歷朝以官師後先至者無慮數十百人而第惟周莊十數公垂之傳豈其時少聰明才智之士而皆不得稱比肩哉亦以其人已之念判而

寧都直隸州志

卷之二十一

各宦志

九

公私之作用異也政念一殊卽傳之以遠猶不免有遺議焉視列傳數公霄淵矣孰得孰失孰從孰違後之君子可鏡圖焉

草志楊龍泉曰父母施恩於子子不必知感官吏施恩於百姓百姓戴之不啻如父母非親疎之情異也所見者少是以感之者獨深也夫上承天子命吏茲土晏然居士民之上而休戚不關其心甚者恣睢成性敲扑無辜祇以求盈其橐之私故活我之劉育子之賈所爲獨流傳至今也予紀邑乘攷司牧之賢其仁風善政閱數百年爲之咨嗟太息而當其生則並於父母之戴及其

沒則躋於神明之享嗚呼彼謂民頑不可以德化或指
施德不必獲報以自謝者豈定論哉

瑞金縣

郭孝友字次仲吉安龍泉人宋政和五年進士歷國子司
業調瑞金丞有政聲建炎初以丁艱去歷官至敷文閣待
制祀名宦祠 縣志

王樞號東谷宋紹興間以進士知瑞金縣事有政聲後改
岳常二州丞終常德通判著有文山集二十卷行世祀名
宦祠 縣志

孟植字元立撫州人初判南康茶寇聞其至遁去紹興中
寧都直隸州志 名宦志 卷之二十一 十

改知瑞金縣事以最聞遷浙東倉兼憲事卒贈少保祀名
宦祠 縣志 贛郡志

聶子述字善之號定齋建昌人宋開禧中以進士知瑞金
縣事治行第一升本郡知軍州事累官侍郎卒謚文定追
封衛國公祀名宦祠 縣志

陳孔碩侯官人登宋淳熙進士嘉定間知瑞金縣事有古
良吏風遷贛州異官尙書郎 贛郡志

劉弁字清叔汀州寧化人宋端平二年進士歷會昌尉知
瑞金縣事築城建學以平洞寇功擢京秩終奉議郎 贛郡志
通志

曾仕魯河南魯山籍贛縣人元至正十年尹瑞金縣親賢
禁奸恩威兼濟嘗修理學宮門廡建譙樓工訖而民不擾
老寄居瑞邑祀名宦祠 縣志贛郡志

阮衍交趾人明正統間知瑞金縣事流賊之後官兵繼擾
衍立法防制兵不敢犯撫瘡痍集流亡民席其惠祀名宦
祠 縣志通志

林生浙江人吏員明景泰中授瑞金典史持身端慎蒞政
勤敏凡建橋梁諸公事生贊襄之力居多 縣志

李明聰福建長樂人明成化中以舉人署瑞金教諭性耿
介勤職業諸生不能自給者每得資助卒於官士民悲慕

寧都直隸州志

卷之二十一

名宦志

十一

不置祀名宦祠

縣志贛郡志

萬琛字廷獻宣城人由鄉舉初任清江令明宏治十七年
補瑞金時廣賊乘元且夜殺門卒攻城突入居民洶洶竄
伏琛從兵壯數十人迎敵相持經日力屈遇害時宏治乙
丑正月二日也守臣上狀詔贈光祿寺少卿賜祭墓蔭一
子爲國子生祀名宦祠 縣志贛郡志通志

鄭禧浙江縉雲人明嘉靖四年以舉人知瑞金縣多善政
未幾丁艱去民思之

陳燦福建懷安人明嘉靖間以舉人授瑞金教諭有文行
分校南畿所取多知名士巡撫談公聘修贛州府志屢膺

薦舉升國子助教未赴卒於官祀名宦祠

縣志

王鈇字公儀侯官人明嘉靖十一年進士十七年以南京

戶部主事左遷瑞金縣廉明強幹政教兼舉創鄉校聘名

儒為羣士師文教蔚興隣邑山寇竊發鈇多方備禦時出

偏師以挫其鋒賊不敢犯境後遷東平州祀名宦祠

縣志
贛郡

志通志

趙勲字燹伯番禺人明嘉靖二十年由鄉舉知瑞金縣事

均平徭役興學校修邑志改建雲龍橋嘗委賑龍南信豐

存活甚衆安遠黃鄉賊葉金糾衆剽掠勲率督撫檄往諭

單騎入賊所推誠慰撫縛倡亂者以獻衆皆解散因築城

寧都直隸州志

卷之二十一

名宦志
瑞金

十二

寨請設巡司一方晏然尋以治行擢御史祀名宦祠

縣志
贛郡

志通志

朱紱廬州府人贛州府通判嘉靖三十三年署瑞金縣事

刑清政簡丙辰大水城垣公署民房多傾圮紱勞心撫恤

修舉廢墜民賴以安

胡汝器貴州普安人明嘉靖三十八年以舉人署瑞金教

諭學有淵源課士無間寒暑諸生貧乏者每有資助并成

都知縣

縣志
贛郡志

鄧原玉福建懷安人由舉人任南安府同知嘉靖四十年

署瑞金縣事溫夷正大不事操切士民歌之

縣志

呂若愚字可明浙江新昌人明嘉靖十四年進士除長洲
令隆慶三年調瑞金廣書院規制闢宣文門增建公署橋
梁祠宇煥然改觀時紅白蓮邪教煽惑愚民潛捕渠魁二
三人寘法餘卽解散終駕部郎中

縣志 贛郡志 通志

江千之字蘭野江南建德人明萬曆三年以歲貢知瑞金
時贛郡添設長寧當事者議割會昌地益之復割本邑浮
鄉四里補會昌千之以邑當孔道使客往來供應頗煩本
邑僅浮鄉四里稍稱膏腴割之不便極陳當道議遂寢

縣志

王繼明號省菴浙江永嘉人由進士任當塗知縣調贛州
府經歷萬曆八年署縣事半載奸杜弊清歡聲載道

寧都直隸州志

卷之二十一

各宦志
瑞金

十三

按縣志秩官無鄧原玉朱紱王繼明三人或以署事例
不載秩官而實有善政不能不志入名宦與茲姑仍縣
志載

林德廣字念平侯官人明萬曆二十五年以舉人知瑞金
縣事省里甲定催科建毓秀臺捐橋租以抵摧稅士民稱
便升浙江嚴州府同知

縣志

堵奎臨字圖南江南宜興人明萬曆三十年以選貢知瑞
金縣事爲政清勤首興文教建龍珠塔於邑西南赤珠嶺
以作辛峯經營拮据備極勞瘁又擬於巽方建文興塔功
未就升雲南鄧川州同知士民思其功於龍珠寺肖像以

祀縣志

余仁濟鉛山人明萬曆三十六年授瑞金訓導恬淡醇厚約已禮賢蒞任三年如一日

縣志

潘舜厯字懷馨福建長樂人明萬曆四十年以舉人知瑞金縣事修舉廢墜建巽塔修雲龍橋改東山壩水建上下湖陂勞績懋著尤勤於課士增學田以贍諸生自是邑中始有登科第者在任六年其作興之功為不可忘云

縣志

潘伯驥浙江烏程人初任會昌訓導萬曆辛未署本學事制行端方能文章督率諸生嚴毅中不失溫和之氣士服其教

縣志

寧都直隸州志

卷之二十一

名宦志 瑞金

十四

按縣志秩官教諭訓導均無潘伯驥或以署事不載與萬曆亦無辛未歲姑仍縣志載

姜龍貴州銅仁人明崇禎元年授瑞林司巡檢時廣賊鍾凌秀往來劫掠邑承平日久家無戰具人不知兵龍倡率邑人造城門甕樓制火箭火磚火纜及刀鎗弓弩各器具親為團練多方堵禦賊終不敢正視

縣志

方惟馨字蘊羞南直隸壽州人父震孺明史有傳崇禎中惟馨以拔貢知瑞金縣慷慨任事往往見於詩歌克繼父風

縣志

皇清

錢江字珥信號容山浙江嘉興人順治六年進士七年知
瑞金縣事邑有劇盜曰陳其綸許勝可僧超忠忠據銅鉢
山聚僧兵千餘江廉得忠之讐爲盜者移檄營將陽勒兵
誅之論忠使助官兵擊賊自効忠喜於殲其讐也信之將
百騎來營將復遣人說使偕數騎間道疾行謁錢侯條畫
賊情中路伏兵出縛忠餘黨駭散因風諭其綸曰汝地險
衆勁孰與銅鉢不釋甲且爲超忠續其綸陽聽命橫行如
故會閩賊劉芳羅承俊等率衆附許勝可嘯聚羅漢巖江
聞於虔撫發兵勦之時十一年甲午八月也兵至江語其
帥曰賊據險攻未易拔當長圍坐困之帥如言賊既窘江

寧都直隸州志

卷之二十一

名宦志
瑞金

十五

察軍中與勝可有舊者遣往諭降勝可欲就撫而餘賊不
服使還報江語帥宜乘間疾擊之無失遂潛師夜進果擒
勝可及閩賊十三人斬馘以千計帥旋江陰訂來歲師期
爲密緘陳於幕府明年春虔撫遣使聲言援漳實圖其綸
而別將將兵疾趨縣境江會之進兵大柘地江親部勒鄉
勇攻其北赴漳之師轉而繞其南俘斬無算其綸敗走諸
將分地搜捕獲之於烏橋嶺一時賊渠皆被擒無一脫者
江在任興修雲龍橋民不病涉均里役政績多可紀而平
賊功爲大行取爲兵部主事督學山東以得士稱祀名宦

祠 縣志
贛郡志
通志

伍達行字拓公南昌人明崇禎十二年舉人順治十二年授瑞金教諭肆力歐蘇放縱排奘成一家言與雩都易學實一時稱同榜二大家振興文教象湖士氣翕然丕變尋升松溪知縣

縣志 贛郡志

朱維高字舍英四川閬中人康熙二十二年由舉人知縣事邑苦里役按糧公當之外值年里長又派私當維高下車卽禁革私當獎除去里長名色公簽民人值櫃樹碑縣門永爲例民困大蕪決獄明斷廉介持身民尤感德

縣志 贛郡志

田俞字允賢號靜淵山東陽信人監生康熙二十九年知寧都直隸州志

卷之二十一

名宦志 瑞金

六

縣事仁廉不尙煩苛倡率紳士改造學宮重建雲龍橋修陽明書院調任日士民追送者千人

縣志

徐希茂奉天懷藍旗人雍正三年以舉人知縣事性和平居官清慎合邑畏愛

縣志

楊志道字聖階湖北監利人歲貢初知石城縣乾隆七年署縣事清潔日持聽訟明斷在任數月積案一清閱一年後政績益著

縣志

唐紀字琴山貴州都勻人康熙三十二年舉人除兵部主事乾隆十年改知縣事性樸直無粉飾修舉廢墜重建雲龍橋葺公署役興而民不擾在任三年爲上官齟齬去

縣志

郭燧號荷亭山東濰縣人乾隆十五年以舉人知縣事甫下車卽加意振興文教以端品行正文體爲先士多奮勉倡修學宮纂輯邑志凡興利便民革奸懲蠹善不勝書書其大者

縣志

莊楠字培峯江蘇陽湖人乾隆二十五年以舉人知縣事九堡屠者克惡無狀爲里黨害楠易服往捕之置諸法創修書院時招邑士講學手書致道堂居正行和二額以去

縣志

張西銘字恕堂河南光山人嘉慶四年以舉人署瑞金事廉潔自持執法不撓尤勤於課士邑人奉祿位於綿江書

寧都直隸州志

卷之二十一

各宦志

七

院 縣志

惲敬字子居江蘇陽湖人乾隆四十七年舉人初授浙江富陽縣知縣遷江西新喻嘉慶十年調瑞金剛介不阿人不敢干以私或待以非禮輒不受遂亦數以事忤喜讀書諸子百家無不畢覽更喜獎進來學縣諸生謝枝崙寒士也敬偶得枝崙詩卽欲見而枝崙適於前一日死因題其墓并傳卓異署南昌府倅被議所著大雲山房文集海內多有

石城縣

伍諾字純甫吉安府安福人宋治平進士才思天成文祖

孟子下及司馬子長王安石薦其文行過人起為諸王教授性剛特寡合人多忌之

縣志

石城學校志祀名宦祠者未列姓名但云祀伍詒以下十五人今按縣志伍詒本傳並未注明官職及考秩官志宋知縣林祥下列伍詒但在詳名宦未注蒞任年代茲仍縣志列載

何異字同叔崇仁人宋紹興二十一年以進士任石城主簿改知萍鄉縣遷國子監丞擢監察御史以寶章閣學士致仕卒年八十一著有月湖集事詳撫州府志

縣志

沈木秀州軍崇德人宋嘉定初以進士知石城縣事時汀

寧都直隸州志

卷之二十一

名宦志

六

寇入境巡司誤指同姓者為賊木察其非使捕真賊以自白已而縛賊首備子聞以獻

縣志 贛郡志 通志

曾止善吉水永豐人由儒士舉石城縣尹紅巾盜起止善率兵拒敵被執屠辱備至不屈遂遇害

縣志 贛郡志 永豐志

李炯北直河間人明永樂元年任石城縣丞廉靜簡易練習吏事公移必自屬草胥吏不得高下其手刑清訟理考最升工部員外郎

縣志 贛郡志

王尹哲浙江慈谿人明永樂中由儒士知石城縣事崇尙教化不事鞭扑頑梗悔悟遠年流徙者樂歸業

縣志 贛郡志

楊士奇字東里吉安人初名遇弱寇遊贛贛守辟攝

斷猾商每過索小販曉諭禁止違者置之法一時屢市咸

肅縣志

黃存禮湖廣宜章人明正德四年任石城訓導道義自持剛介不屈以拒冒籍事忤上官意又與豪右爭復學地豪右銜之竟以此去官士咸頌其正直

縣志 賴郡志

邱聲甫福建仙遊人明正德六年由吏員任石城主簿時流寇猖獗聲甫悉心捍禦賊七犯界皆親率士卒往遮絕之不得逞其殘掠以憂勞疾卒

縣志

胡方義浙江山陰人明嘉靖二十二年以舉人知石城縣事廉潔慈祥始終如一清風介節聞者凜然

縣志

寧都直隸州志

卷之二十一

名宦志 石城

三

雷塾福建建安人明嘉靖二十四年任石城典史時流寇攻城塾兩夜跣足巡邏厲衆堅守尋用計破賊賊遁去

縣志 賴郡志

何右之廣東順德人明嘉靖二十八年以舉人知石城縣事廉明仁恕有幹才懲猾平冤清豁絕軍百有餘名世食其德

縣志

周坦字謙山廣東博羅人明嘉靖三十二年以舉人署石城教諭闢發白沙陽明之學啟迪來學當道器之升瑞昌

知縣 縣志 賴郡志

成宗曉湖廣湘鄉人明嘉靖三十五年以監生知石城縣

事初城垣圯前官屢修屢傾宗曉親督版築城賴以固
時多寇宗曉堵禦有方以靜待動終以勞疾卒

縣志 賴郡志

陳言字清橋浙江鄞縣人明萬曆六年以舉人知石城縣
事性嚴介不以色笑假人巡行鄉落細訪民間疾苦絕苞

苴常以俸餘資士之貧者學宮橋梁諸廢畢舉忤上官誣
以酗酒劾之罷去後令馬調鸞陳其善政申請入名宦

縣志

賴郡志

唐繼顏字卓吾廣西全州人明萬曆二十九年以舉人知

石城縣事政先節愛以清操聞性坦直無所矯飾遷常德

通判

縣志 賴郡志

寧都直隸州志

卷之二十一

名臣志 石城

十一

盧三聘福建莆田人明萬曆二十九年以舉人署石城教

諭性謙抑諸生能文者輒忘分下之不私據學中租稅差

等以給士之貧者改建學宮悉心文教

縣志

吳正誼字黠蒼江南長洲人明萬曆三十七年以舉人知

石城縣事築堤衛城通鹽法除盜賊禁誣罔政治卓然

縣志

馬調鸞山西平順人明崇禎四年以歲貢知石城縣事時

流賊肆橫調鸞修城垣團練鄉勇多方守禦地方又安升

懷慶通判民為建祠立碑

江西通志 山西通志

吳遵文順治六年典史張自盛陷城被執至東龍罵賊不

屈死之 縣志

郭堯京字平野陝西高陵人康熙四年以舉人知石城縣事時邑經殘燬後刻意興釐捐俸葺學宮建啟聖祠聲名宦鄉賢祠繕城堞造警舖先是大盜陳其綸與東關盜黃允會踞若未散隣界羅漢巖劇寇沿鄉肆掠堯京募鄉勇伏險堵截其綸潛遁在任八年多德以升祈州知州 縣志 石城縣 志通志

李德明字瑞毓湖廣岳州巴陵人贛州府照磨康熙十三年六月耿逆偽將賈振魯寇石城城陷七月總兵劉進寶帥師復之德明押紅衣大礮佐軍前令以陷城去巡撫委寧都直隸州志 石城縣志

卷之二十一

石城縣志

三

德明署邑篆初至招集流亡增築城堞八月十七日福建盜甯早來寇德明率民登城守寢處堞雉間者兩旬日城中水流竭乃相城西窪下處鑿溝通城外小溪邊使倒入以濟九月寧都守備管天祥率兵來勦寇退丙辰二月中旬甯寇復夜至踞邑南通天砦四月連結汀逆蔡某每夜轟城守益堅偽將軍劉應麟以書誘德明降明不應惟獎勵義勇以死拒敵賊夜架梯薄小西門幾及堞鄉勇舉佛黃金漣溫赤肩以巨石壓之梯折賊墜畢佛中礮碎腦語其伍曰若等謹守毋為賊乘言訖而死德明哭而殮之衆感激奮呼請効死德明知人心可用出戰五戰五捷賊遁

視事三年旱禱輒雨民稱李霖受代去民建祠祀之縣志通志

王維威陝西富平人康熙十三年典史時聞逆甯早寇石城維威視事甫三日與署縣李德明協力守禦兩旬日晝夜登陴寧都協中軍管天祥提兵來勦圍始解丙辰二月甯寇復踞通天砦四月汀逆劉應麟以盛兵至其偽將蔡某最驍勇所領皆鐵騎維威與搏戰破之巡城矢集臂弗為動三載寇禍卒保危城贛郡張志

王且字子復河南蘭陽人康熙二十七年以進士知石城縣事以德教為先著理學宗傳八卷每與諸生辨析程朱陸王同異疊疊忘食才質強敏案無留牘政事文學兼而寧都直隸州志

卷之二十一

名宦志 石城

行之初抵縣盜賊公行且召捕卒授指蹤旬日獲劇盜八人皆磔之自甲寅賈逆蹂躪賦役重累民間且悉除之城兩圯於水且躬督板築屹然完固以丁艱去後補淮安贛榆知縣贛郡張志

按辛酉志祀名宦祠三十六人惟明知縣陳時言陶效徵教諭方鳳騰三人無傳茲別增志名宦三人五代虔化令周章

國朝知縣鄭昌齡知州甘玉麟瑞金志名宦三十七人入祀者十二人石城志名宦二十八人入祀者十五人餘雖未邀祀典然皆據其實政傳之千秋竊嘗思之祀典

訪於輿論輿論本諸實政長民者果有以淪膚浹髓其
小人謳歌禱祀其君子勒碑銘以寫去思固必有動諸
性情發於自然者孔子曰斯民也三代之所以直道而
行也祀典所及者無論矣卽祀典所未及亦皆因舊備
錄且增采焉州人盧楊附論歎息千數百年前循吏之
少未嘗不深冀千數百年後循吏之多風勵微情宛然
可掬官斯土者苟不興繼武之念以媲美前賢豈人情
哉豈人情哉